

甘叔莊先生
雲環夫人

結婚三十年
帳詞

蔡凱仁

題於會


18
6
18
20

爾嘉


雲環




一 其會祝歡年十三婚結




二其會祝歡年十三婚結




品贈會祝歡年十三婚結






園山補莊菽

菽莊藏海園



次男剛義
次媳臻英




長男景仁
長媳福英



三男鼎禮
三媳慧英



五男履信
五媳寶英



四男崇智
四媳竹英





六男克恭



七男志寬




四女紅荇
五女紅芙



長增施宗樹
長女紅 藻




次增黃友情
次女紅 菱



三增張華龍
三女紅 薌



桐孫長



梓孫三



楨孫次



櫻孫五



樑孫四



琬綠女孫三



璜綠女孫二

璫綠女孫長

四孫女綠紹尙在襁褓

菽莊林先生暨德配雲環龔夫人結婚三十年帳詞上券

序一

閩侯吳曾祺翼庭

余與菽莊先生不相見者近十年常欲一至左右一接其言論風采以慰平日思慕之意而鷺江一水隔之卒因循未獲其便遇人自先生處來輒詳詢其近狀聞起居佳勝則爲之欣然一喜昔歲

先生年四十余曾獻文以祝所以敘述先生平生嘉言懿行其風

義之美冠冕一世與德配龔夫人令德純篤號爲女宗咸著於篇

蓋所以致中心欽企之私而非出於諛詞曲說稍涉於世俗介壽之所爲者先生又自出所爲菽莊記命余賡續爲之今其稿皆在篋中是歲辛酉良月吉日鷺江諸君子以書抵余里中具言先生十七歲娶晉江龔詠樵女今三十年矣中年伉儷終日相莊此亦一時

佳話謂余不可無言余私念 先生立身行己抗爲家法 夫人本
溫明恭順之德以相夫子一門之內和氣充溢凡以迓天庥而輯人
瑞者皆在人人意中此固不足異而余且舉 先生之所易者以明
爲衆人之所難今夫夫婦之道人倫之始萬化之原 先生脩身齊
家治國平天下之要咸於是乎在故聖人特慎重言之然於此求其
完全無憾者百不得一姑無論脩短之數存亡之感蓋有命存焉不
可得而強而其中性質不相能意見不相下者所在多有而言笑之
歡成爲冰炭帷薄之地變爲胡越雖士大夫之家時有所聞其不如
是者又以疾病之牽連貧窮之困頓以及一切不如意事皆人生所
不能免其或一歲之中恆以公私之役奔走於外求其一日之安居
而不可得誦東山之詩雖以周公聖人談及兒女之私猶不免纏綿

悱惻之意詩曰宜爾室家樂爾妻孥凡此者皆足以爲吾樂之累乃觀先生生平凡如上之所言一切無之計政變以後先生卽跼伏不出家居鼓浪嶼具亭台池沼之勝與鷺江祇一水之隔而風景清絕翛然世外性好客文酒之會終日流連不倦暇則與夫人親至園中相與焚香煮茗評花量竹視世俗之紛紛擾擾漠然無所動於其心何如也余竊論當世人物有如先生者自當以漢之管幼安晉之陶元亮引爲知己然二公之風流儒雅而內助之賢無聞焉乃若鮑桓梁駟之儔兩美必合實千古奇遇然其後嗣之英史闕有間矣今先生舉丈夫子七人皆英秀奇出諸爲國器長君次君已馳驅中外有名公卿間其五人者亦隆隆繼起大其家聲竊意先生早歲才學之盛業已置身通顯固宜以偉烈豐功與於古名臣之

列而卒阨其遇使之猝遭滄桑之變不得竟其用然而蒼蒼者固不忍也特使之不得見於其身者而必將暴於其後而又必使先生夫婦皆身享大年親見其勝任愉快之美若此者皆冥冥中有實主之者而非人力所得與也想先生與夫人以暇日談及舊事猶憶三十年前歌聲悠揚簫管間作堂上展紅氍毹行交拜之禮猶彷彿旦夕間事也或疑先生甫屆艾齡佳日方永偕老之願白首爲期此三十年何足言不知古者以三十年爲一世是三十者爲數之一大宗而此舉其猶行古之道者歟過此又三十年爲甲子一周想先生必當用吾中國舊俗行重諧花灼之禮其播爲一時盛事固可先期決之而此文直爲之券焉可也謹序

序二

閩侯 吳徵鼇 曉舟

古者三十有室是由初生而定受幣之期今茲三十卜年直從新婚而衍齊眉之慶三十年爲一世者王者之運也將以五世占厥後之昌三十年一小變者天道之常也請以九變奏房中之樂昔之迎門爵弁幾成三十年晏子之裘今之偕隱梁春亦符三十年卜谿之鈞日月三十而合度雙星更撫五辰朔望三十爲會期六禮仍符兩地六者五之陽律六陰律六三十爲陰陽合撰之宜五者六之天數五地數五三十亦天地定位之則而 菽莊先生暨 德配龔夫人於結婚三十年而行嘉禮其殆此物此志歟 先生未艾齡而得七男勝郭令公奴才兒輩 夫人在巽宮而爲少女本韋處厚清秘家聲員俶之詞辨當然五花擷蘭蓀之秀官奴之歌行疊奏四星羨桃葉之迎厨下羹湯娶婦跨秦台五鳳床東胡餅選堦乘鐵甕三龍梁記